

48847.

5.

UT
Spiritūs Sancti

GEMINUM OFFICIUM

ΠΑΡΑΚΛΗΤΙΚΟ - ΕΛΕΓΚΤΙΚΟΝ

hoc est

Consolatorium pro Ecclesiā afflīctā

&

Redargitorium adversus seculi im-
pietatem

Oratione Græcâ bipartitâ

exhibendum

Athenæi nostri Patroni Nobilissimi

ceterique Musarum Fautores colendi

d. II. Junij horā X. matutinā

In Acroterio nostro

Benevolè audituri conveniant

Atque duobus peroraturis

Ornatisimis Juvenibus

ANDREÆ SCHWARTZIO, Rigenſi

&

JOHANNI VINCELIO, Libaviâ-Curlando

præsentia suâ honoratissimâ faveant

Eos summissè invitat

JOACHIMUS FRISICH

Jur. & Mathem. Professor

RIGÆ,

ANNO M DC LXXXIV.



Primus Pastor ille, qvem apud Z-
chariam Prophetam ovium interfectionis
miserebat, simul ac miseris pascendis operam
lare cōperat, duos simul sibi accepit baculos,
qvorum adminiculo officio dextrē perfunge-
tur. Et alterum qvidem jucunditatis, alte-
rum devincientium, sive oves dissipantem,
qvem B. Lutherus baculum vñ appellat. Miseri-
am ovium Propheta tantam edifferit, ut majorem nemo intelligat;
quippe qvæ non stetit in lacte ultra vires & ad sanguinem usque emul-
so; neqve in vellere ad carnem cruentam detonso, sed qvæ jugulo ipso
petito vitam finiret. Nam earum inquit, possessores eas interficiunt, neq; ha-
bentur rei, ita ut vel ab aliis accusentur, vel ipsi met nefas suum agnoscen-
tes remissā austerritate dominicā mitius aliquando & pastorale ingenii
erga mites induant oviculas. Ingens aliqua necessitas, annonæ
caritas aut βελιμία tam enixum jugulandi oves studium jussisse vide-
retur, nisi etiam Sacer vates adderet: *Et eorum qui vendunt ipsas, qvisq; di-
cit, benedictus Jehova, qvod ditatus sim.* Oves etenim jugulare, si crudele
cui videatur, (qvamvis eum in usum natas qvis dixerit,) be-
nignius cum illis agi putet, qvæ in forum venales aguntur, ut fauces
clunaclo subducant & in pascua transferant forte pingviora, ubi
cytus atqve rosmarinus etiam nascuntur, ut ovicula in ameno ver-
sans prato lata dicat: Ditescat usqve Dominus meus, dummodò lar-
gè pascar: Benedicat sibi, dum mihi malè non sit. Non invidebo
eqvidem novo possessori lactis lanqve meæ proventum. At o mi-
sellam oviculam! qvæ mercenarii talis feductoris vocem vestigiaqve
seqvitur. Verba sunt, non herbae; aut si sunt, aconitum, cicuta, esulæ
aliæ sunt, viscera inficientes atqve morbum è morbo, tussim tabem-
que, non dicam quoqve scabiem adferentes; nisi jam ante mercena-
rius ille auri avidus scabiosam pecudem suam aliunde puro gregi
miseruerit. Qvam hic vero verius est illud: qvalis herus, talis ser-
vus. Vendit herus non unam aut alteram oviculam, sed gregem, pe-
culium suum, qvod veteribus à pecude substantiam & nomen traxit,
plus offerenti, sive bene sive malè illi futurum sit: non secus ac si pe-
culium è sponsione, aut jactu tesleræ acquisitum, aut omnino castren-
se sit: qvod tamen ut profectitum à majoribus magnâ curâ pastum

ac custoditum pari diligentia servandum augendumque erat, nimma-
li pastoris vel latronis nomen mereri velit.

Verū non deest malæ rei bonus titulus. *Benedictus enim, in-
quit, Jehova qvod ditatus sim.* Videlicet benedicendo salva res erit &
qvasi benc gesta. Adeōne iuditur benedictione, ut malus mala be-
nedicendo protinus convertat in bona? Id eqvidem est qvod maxi-
mè vellent, si possent hypocritæ, qui pessimè facta elegantissimis ver-
bis non secus atqve stereus incrustare Saccharo omni conatu sata-
gunt. Hæc nostri etiannum ævi indoles est, sanctissimum Dei no-
men, ubi blasphemis non laceratur, pallium fallaciarum atqve tech-
narum facere, sub qvo nequam hominemstutiū lateant. At, qvia pes-
simo pastori operæ pretium faciebat benedictio ista, digna videba-
tur, cui amplius studeret. Benedictus enim Jehova qvod ditatus
sim, incinit ille ovium venditor. Et perinde est, utrum injustè di-
tatus, an avarè ditescere volens benixerit. Nam laudat improbus
animam suam in desiderio ipsius, & qvæstum faciens benedit, & ir-
ritat Jehovahm juxta Regii Psalmæ οὐγκετον. Summa igitur mali pa-
storis ditari est, & pecunia è pecudé coa&ti, ratio pastoralis utramq;
faciens paginam. Hæc omne punctum fert, omnisqve momenti
momentum est. Si pecus curanda ob pecuniam curanda: Si Jehovah
benedicendus, ob pecuniam benedicendus est. An verò fabula hæc
est de pastore oves vendente & propter divitias Jehovah benedicente?
Minimè gentium; Sed historia non magis antiqua qvam fide di-
gnissima, licet Allegorica, eò qvòd à Spiritu Sancto dictata. Et qvia
est vetustissima, non defunt Atheti veritatis atqve lucis osores, qui
eam interfabulas censeri qvidem malint, suasqve, qvibus vulgum de-
cipere ac ditari edoti sunt, pro vero salutis verbo recipi: qvod satis
palam testatus est nomine & re Leo X. Petro Bembo Cardinali locum
ex Evangelio citanti respondens: O qvantas divitias peperit nobis ista
fabula Iesu Christi. Qvod Judæorum Pontifex Christo accusato respon-
dit, id nos ementito Pontifici huic regeramus verius: Quid amplius
egemus testibus? ecce nunc audistis blasphemiam ejus. Qvòd enim
bene locutus sit, probabit forsitan per patrem mendacii: Sin autem
malè locutus est, cur non cædatur? Verū cæsus etiam est ille indul-
gentiarum capo, turpisqve animarum venditor: Et cæsus qvidem
Verbi Divini baculo Vx, à magno ovium Pastore, ut magna pars spiri-
tualis

equalis Babelis corruerit. Haud obscurum jam esse autum, qvis mag-
nus ille Pastor, & qvæ oves, earumqve possefiores ac ditati vendito-
res sint. Neqve deceffurum esse qvicqvm veritati cœlesti spero, si
adagio dixerimus; eandem adhuc fabulam agi, qvam videlicet ege-
runt Sacerdotes, Principes ac Judices V. T. Hi enim erant populi Pa-
stores, seipso pascendo, populum miserum depascentes, aliamqve
post aliam in justitiæ, superbiæ, avaritiæ ac crudelitatis qvin etiam ido-
lolatriæ scenam dantes, simulationis & fallaciarum artifices.

His Scenis s̄epe etiam cruentis pleni sunt Prophetarum libri, è
qvibus illi vel Dei Momi, vel diaboli mimi agnoscuntur. Quid inde
aliud, qvām ut de capite laborante omnes impietatis catarrhi in mem-
bra defluenter, atqve Principes Sodomæ redderent populum Go-
morræum? Micha in eos valdè Zelotes gravi voce inclamat: audite
jam primores Jacobi & Ductores domûs Israël, an non vestrum est sci-
re ipsum jus. Osores sunt boni & amantes mali: rapientes cutem isto-
rum ab eis & carnem eorum ab ossibus ipsorum. Et qvod comedunt,
caro est populi mei. Et alibi graphicè eos describens, periit benignus,
inquit, è terrâ hâc, rectus in hominibus his nullus est: qvotqvt sunt,
ad cædes insidiantur, qvisqve fratrem suum venantur plagi. Ut ma-
lescant ambæ manus strenuè, Princeps poscit & Judex pro retribu-
tione: & qvi magnus est, eloquitur ærumnam desideratissimam sibi
ipse, qvam contorquent. Optimus istorum similis est spinæ, rectissi-
mus præ spineto est. Hæc populi fuit facies diebus Jothami, Achazi
& Jechizkiæ Regum Judæ. Subjungit autem dictis Propheta Catastro-
phen illâ scenâ dignam. Dies, inqvits speculatorum tuorum, anim-
adversio tua adveniet, nunc erit perplexitas istorum. Neqve fetel-
lit sacer Zelus, sed dictum evasit in factum, ut longiore qvidem anno-
rum intervallo, sic mensurâ pleniore, cùm Jehova ignem mitteret ma-
gnarum calamitatum in spinas illas: & Assyrios venatores in lupos po-
tiūs qvām pastores. Sacerdotes igitur, qvi animarum debebant esse
pastores, præcipue malorum fuisse causas, nōrunt qvi Sacram Scriptu-
ram non ignorant. Nunciante Amoso sacri oraculi comminationes
adversus excelsa Isaaci & Sanctuaria Israëlis, in qvibus contra diser-
tam Dei Legem cultus instituerant religiosos suo cerebello inventos;
illicò Amazia Sacerdos ad Jeroboam mittit nuntium, qvamvis fal-
sum, dicendo: Conjuravit contrate Amosus in mediō domûs Israëlis,

non

non posset hæc terra sustinere omnia verba ejus. Verebatur enim no-
vus Sacerdos, ne si Jeroboami nova aboleretur religio, sua qvoqve cum
altari collaboretur sustentatio, atqve rude donaretur. Hinc sibi con-
sulendo simul Amoso consulit, abi, aufuge in terram Judæ, & comedere
ibi panem & illic prophetato. Hæc speciosè & pacificè Amoso dixit:
at, qvæ perfidè & mendacio Regi nunciaverat, tacuit. Ecce verò con-
silium Sacerdotale! qvod si pastorale est, qvid mercenarium sit, non
video. Nonne aufugientem ipse proditoriè criminis lœsa Majestatis
convictum dixisset. Dubio enim procul Amazia Amoso etiam re-
gescit, ipsum in beatum Isaacum & Abrahamum Sanctos patres & Dei
amicos qvi Beth Ele habitantes altare extruxerint & qvorum nomine
Jehova semet ipse appellat, vehementer esse injuriosum, eò qvod excep-
ta Isaaci destruenda prædicet, qvæ ob memoriam Sanctorum sanctè co-
lenda esse ipsa dictet ratio religioqve: Et secùs qvi dixerit, meritò pro
impio & hæretico proclaimandum. Adde qvod Regiâ authoritate
sanctuaria Israëlis stabilita atqve divini juris facta sint, qvæ impugnare
nec lingvâ neq; manu absq; pacis publicæ violatione liceat. Ponamus
etiam, non defendisse Amaziam excelsa Isaaci ad nostræ meditationis
rotulam, certum tamen est, eum Regii juris se defensorem fecisse.
Hæc demum illa est evocatio atqve inventio medii termini, cujus ne-
cessitate uadit & nata pars pro Sacerdotis atqve pastoris & Juris
Regii defensoris opimo Sacerdotio, qvin & pro Synedrio omnium de-
ratione Statutis Regii tam benignè sentientium ad conclusionem fiat
illatio. Salva sic res fuit pro peculio ac Petri patrimonio obtinendo,
extante licet nullâ vel confitâ Constantini Magni donatione. Con-
cedit Phocas in vota Bonifacii, ut Episcopum se appellare audeat & eccl-
emicum & caput Ecclesiarum. Vix consensum fuisse crediderim,
nisi ex Contractu innominato, facio ut facias. En! qvām una hirun-
do ver fecerit omni accipitri gratum atqve aucipi. Statim omnia flo-
rent, jam formosissimus annus Jubilæus, ut indulgentiis, sic nummis fer-
tilis. Pedum pastorale paratum est, unde imitans Jacobum Patriar-
cham reliqua pastoritia multitudo, bacilos suis traditionum coloribus
variegatos, oculis ovoidularum fonticulos Israëlis Sitientium exponit:
qvæ uti non candida oculis, auribus, animisqve de Dei Verbo & Salu-
te suâ conceperunt, sic ore pariunt opereqve maculata omnia. Glau-
comate semel contracto omnia illis videntur hæretica igni gladioqve
damnan-

damnanda, si cum iis non consonant, qvæ *λεγεται* incubando excludit. Ipse sacerdos bruto boato mugitu in ovinas salutaria puraque Christi *δεχομένοι* sui pascua cordicetus desiderantes. Eò malitia pseudo Catholicorum in Bohemiâ cohors sanguinaria descendere non erubuit, ut blasphemos scommate Sancta Biblia appellari suo idiomate Wyblija id est, vomitum, testante historiâ Bohemicâ persecutionis. Qvæ cùm Deo permittente & Ecclesiam Evangelicam à multis adhuc doctrinæ Zizaniis repurgaturo adeò illis feliciter successerit, latius grassefari annuntiuntur, novumque gregem famelici jam adoriantur lupi in Hungariâ. Nihil intentatum relinqunt tentatores illi, ut omnia mundi regna in casses suos agant, utqve deinde possint dicere: hæc omnia tibi dabimus, si prostratus nos adoraveris. Tantas enim sentiunt possidores illi, ovium venditores ac æruscatores penesse facultates, ut summos credant pastores populorum è suâ pendere curia consilio atqve ærario: atqve ideo præ omniibus mortalibus se maximè esse venerabiles, atqve supra omnem fortunæ aleam positos. Et pereunte licet interim grege Christiano in extremâ animæ miseriâ, antiquam illi prompte recitant lectionem perceptam à Sacerdotibus Iudæ proditori respondentibus: quid hoc ad nos? Ipsi gentium summi pastores conniventibus hæc aspicientes oculis, nec intelligentes se Societatem colere Leoninam æqui bonique consulunt, non omnino gregem amittere omnem, sed lacte etiam frui: Illis interim benedicentibus Jehovæ, qvod ditati sunt. Rebus ita constitutis verendum magnopere est, ne in veterem populi Judaici statum gens Christiana relabatur, ejusdemque, qvod Deus avertat! sortem deploratam subeat.

Maximam enim gregis Christiani partem hinc inde vel *ἐπεγόδα* zia decipi ac distrahi, vel ob *ἀρροέις* excoriari atqve deartuari, vel infinitis premi exactionibus, quis pius atqve probus mentis sine genitu & lachrymis adspiciat? Eam Ecclesia multis locis habet faciem, ut larvæ sit similius. Videant jam pastores illi avari & perpetuâ habendi *ἀργετού* laborantes, annon Judæorum peccata renovando etiam pœnas pariter easdem & desolationem in orbem Christianum introducendi sint. Qvicquid enim prætexerint, à decumanis peccatis illis, qvibus Israël exitium sibi paravit, idolatriâ & avaritiâ præcipue,

puè, duabus omnium malorum radicibus, vel centies millesis Missis se nunquam absolvant, donec à Spiritu Sancto arguuntur. Hic enim uti est παράγοντος & Consolator afflictorum, ita non minus ad officium ejus pertinet ἐλεγχοῦ five accusatio & confutatio omnis æquias. Et qvanquam ipse Spiritus S. visibiliter super Apostolos descendit, non tamen divinæ ejus Majestati placuit immediate exercere officium elenchiticum, sed Apostolis Sancto flamme suggestis atque demandavit munia longâ successione juxta verbi divini tenore in suspicienda.

Miramur proinde haud injustè impudens Lojolitæ illius os, quo Spiritum Sanctum ceu judicem visibilem provocans dixit: Veniat & judicet me! At habet jam Sententiam socius protervus irrevocabilem: qvisquis non credit, jam condemnatus est. Sed quid non blateret effrons, qui supra sortem humanam sibi immunitatem erroris tribuit. Indignabundus hoc etiam agnoscit Italus Autor in Divortii cœlestis præfatione: *Come uomo, può errare il Pontefice, e potendo errare, chi ardirà di sostentar che egli non possa esser rimproverato?* Et qvis sanæ mentis Christianus mediocriter in Prophetis versatus non videat eam religionem Idolatriæ esse ream atqve complicem, qvæ defunctos sibi constituit Patronos ac imagines tutelares? Satis id luculenter loquitur liber ille: Forteca Duchowna Królestwa Polskiego i żywotow Świętych etc. rafje i obrazow etc. utrapioney oczyszczie ná obrone wyclawiona. Qvæ igitur Spiritus Sanctus in Veteri Testamento, vehementissime arguebat; ad ea ut taceat in N. T. qvis sanctus, vel potius stultus speret à Sanctissimo? Ne cordatus qvidem Philosophus sustineat, qvin falsum Syllogismum Elenchi arguat. Audiamus qvælo argumentum! Mirabilis Deus est in sanctis h. e. in Sanctuario. Ergo Sancti (dummodò sint) sunt auorandi & in omni necessitate invocandi. Tam absurdum atqve Legi Divinæ è Diametro contrarium ratiocinium Spir. S. & ejus ablegati non possunt non arguere, atqve impietatis damnare, non factio limbo, sed vero inferno luendum. Sed iterum quid novi! Eliserunt nimirum Purgatorii Poëtæ Evangelium de divite epulone ex anniversario Evangeliorum censu & è Calendario: ne unum atqve Catholicum impiorum infernum agnoscant Laici, quem tamen in agone, sed nimis sero persentificant Cle-

ri. Hæc atqve alia absona ne pia corda turbent, ac à veritate de-
flectant, Sanctus Paracletus ea tanquam flammis circumdata dulci at-
flat solatio, atqve ne corruant, baculo leni suffulcit: Superba verò ca-
pita adversus Deum insurgentia baculo vœ! percutit atqve dejicit.
Geminum hoc Spiritus Sancti munus, Orationis præsentis argumen-
tum, duo Juvenes Ornatisimi bonæ indolis ac spei d. II. Junii peroran-
dum Sermone Græco suscepserunt. Quo ipso Græcas literas multos
post annos velut postliminio in Athenæum nostrum renovatum redu-
ces primo sistent specimine, nostra suaqve publicè probaturi studia.
Si lingvæ hujus spectamus raritatem, raroqve speremus Auditores; at si ejusdem gravitatem, solitamqve Patronorum nostrorum
benevolentiam, audemus VIROS Magnificos, Nobilissimos, Strenuos,
Amplissimos, Plurimum Reverendos, Consultissimos, Experientis-
simos, Clarissimos, Prudentissimos aliosqve Musarum fautores huma-
nissime invitare, ut venerabili atqve honoratissimâ præsentia suâ di-
cturis fidem facere beneplaciti, reliquis verò Lingvarum Sanctorum
studium excolendi animum addere haud gravatè dignentur: nec ab-
sentiâ suâ vulgi diverbio, Græca sunt, subscriptant.

Meretur sanè Lingva ista, qvâ Græcorum Oratores olim fulmi-
nare dicebantur: qvâ totus Orbis erudiebatur: qvâ Latium non mi-
nus atqve novis provinciis austius potentiusqve redditum: & qvâ
ceu omnium sapientissimâ tandem Spiritus Sanctus novi fæderis my-
steria omniaqve salutis nostræ monumenta Ecclesiæ tradere dignatus
est; meretur inquam, suâ svavitate gravitati mixta, qvâ, remoto po-
lyotismo Euphoniz corruptore, alias gaudet, qvâqve nec Polonica
æmulæ, neqve ulli secunda est lingvæ; ut felicissima Onomatopæia
& compositionis parens, communis Lingvarum atqve artium obste-
trix, nisi colatur, solummodò non invitis accipiatur auribus. Nos
Orationis exoticæ πέμπτη dispicientes Auditorum optimorum hu-
manitatem justâ brevitate solabimur, alio loco & tempore officia
nostra paratissima summislè deferentes. Dabam Riga

d. I. Junij Anno M DC LXXXIV.

